

JAMHURI YA MUUNGANO WA TANZANIA  
WIZARA YA ELIMU NA MAFUNZO YA UFUNDI

Anuani ya Simu: Elimu DAR ES  
SALAAM

Simu: 110146-52

Telex: 41742 Elimu Tz.

Fax: 255-51-113271 Elimu Tz

Unapojibu tafadhali taja:

Kumb. Na. ED/OKE/NYE/VOL.1/06

S. L. P. 9121,  
DAR ES SALAAM.



Tarehe: 27/04/2011

Makatibu Tawała wa Mikoa  
Makatibu Tawala wa Wilaya  
Wakaguzi Wakuu wa Shule wa Kanda  
Wakaguzi wa Shule wa Wilaya  
Wakuu wa Shule za Sekondari/Vyuo  
Walimu Wakuu wa Shule za Msingi  
**TANZANIA BARA.**

**WARAKA WA ELIMU NA. 6 WA MWAKA 2011**

**KUPIGA MARUFUKU UTITIRI WA MITIHANI**

Mtihani ni njia inayotumiwa kumwezesha mwalimu kujua kiwango cha uelewa wa wanafunzi kuhusu mada zilizofundishwa kwa kipindi fulani.

Kumezuka mtindo wa baadhi ya walimu kutunga mitihani mbalimbali na kuwapatia wanafunzi bila kuzingatia madhumuni ya mitihani katika mchakato mzima wa kujifunza. Walimu hao wanatunga mitihani na kuwapa wanafunzi wafanye kwa kulipia fedha kitendo hicho ni kinyume na taratibu na maadili ya ufundishaji.

Aidha, mitihani hii hufanyika kila mara kitendo kinachopunguza muda mwingi wa ufundishaji, mitihani hiyo ni kama: 'speed test', Mitihani ya Wiki, Mitihani ya Ujirani Mwema na Mitihani ya Mwezi. Mitihani yote hii wanafunzi huchanga fedha.

Ili kupunguza utitiri wa mitihani, Wizara inashauri mitihani ifuatayo ndio itiliwe mkazo.

- Mitihani ya Nusu Muhula
- Mitihani ya Muhula
- Mitihani ya Mwezi

Aidha, mitihani hii ifanyike bila kuchangisha fedha wanafunzi.

Kwa Waraka huu ninaagiza kuacha mara moja kuwapa wanafunzi mitihani inayotolewa bila lengo maalumu. Mazoezi ya darasani yatumike kupima uelewa wa mada zilizofundishwa.

Mwalimu ye yote atakayebainika akichangisha fedha kwa kisingizio cha kugharimia mitihani atachukuliwa hatua kali za kinidhamu.

**Waraka huu unaanza kutumika mara moja.**

Umesainiwa na:

M. M. Wassena

**KAIMU KAMISHNA WA ELIMU**

**Nakala:**

1. Katibu Mkuu, Ofisi ya Waziri Mkuu TAMISEMI
2. Wakurugenzi wote, Wizara ya Elimu na Mafunzo ya Ufundi.